

五代史記

二

五代史卷第二

歐陽

脩

撰

徐

無黨

注

梁本紀第二

開平元年春正月壬寅天子使

史大夫薛貽矩來勞軍宰

相張文蔚率百官來勸進夏四月壬戌更名昞甲子皇帝即

位自即位以後大事則書變古則書非常則書意戊辰大赦

赦文皆曰大赦天下此書大見則志之改元國號梁封唐王

為濟陰王謂天子為唐王升汴州為開封府建為東都以唐

東都為西都廢京兆府為雍州州縣廢置見職方賜東都酺

三日

五代史卷二

一日契丹阿保機使袍笏梅老來五代亂世著其屢來以見夷狄之來不言貢不貴其物故書曰

張文蔚楊涉為門下侍郎御史大夫薛貽矩為中書侍郎同

中書門下平章事戊寅渤海契丹遣使者來夷狄君臣姓名

不必備或因其舊史之詳乙酉封兄全昱為廣王子友文傅

友諒衡王友能惠王友誨邵王甲午改樞密院為崇政院太

府卿敬翔為使是月潞州行營王友文非子而書友珪郢王友璋福王友貞均王友微建王

敗績我敗曰敗績彼敗曰敗之六月甲寅平盧軍節度使

韓建守司徒同中書門下平

事秋七月己亥追尊祖考

為皇帝妣為皇后皇高祖黯謚一宣元廟號肅祖祖妣范

氏謚曰宣僖曾祖茂琳謚曰光獻祖祖妣劉氏謚曰昭懿考誠謚曰文

孝祖信謚曰昭武廟號憲祖祖妣劉氏謚曰昭懿考誠謚曰文

穆廟號烈祖妣王氏謚曰文惠八月丁卯同州蚘蚘蟲生隰州

黃河清於此書見不為瑞也九月括馬冬十月己未講武于繁臺十一月

壬寅赦亡命背軍斃賊刑徒於好殺之世小赦必書見其有愛人之意也二年春正月

丁酉渤海遣使者來己亥卜郊於西都弒濟陰王弒臣子之大惡也書濟陰

王從其實書弒正梁罪名二月辛未契丹阿保機遣使者來三月壬申朔如

西都幸已至也如往而未至之辭丙子如懷州五代亂世兵無虛日不可悉書故用

兵無勝敗攻城無得失皆不書其公大將與天子有所如自若大事爾此如懷澤者以立刃攻潞州也

五十八十二

五代史卷二

二

戊寅封鴻臚卿李崧介國公為二主後梁嘗更戊曰武而舊史悉復為戊壬午匡

國軍節度使劉知俊為潞州行營招討使癸巳卜郊張文蔚

薨夏四月癸卯楊涉罷更部侍郎中書侍郎翰林學

士承旨禮部侍郎張策為刑部侍郎同中書門下平章事壬

子至澤州五月己丑潞州行營都虞候康懷英及晉人戰于夾

城敗績築城圍城戰于城中故書也戊戌立唐三朝契丹遣使者來六月壬

寅忠武軍節度使劉知俊為西路行營招討使以伐岐用兵之名有四兩相

攻曰攻以大加小曰伐有罪曰討天子自往曰征隨事為文不得罪異并有褒貶也己酉殺金吾衛

上將軍王師範滅其族當殺以伏誅不當殺兩相殺為文丙辰劉知俊

及岐人戰于漠谷敗之秋九月丁丑如陝州以晉人攻晉絳故也博王

友文留守東都冬十月丁未至自陝州十一月癸巳張策
罷左僕射楊涉同中書門下平章事十二月己亥以介國
公為三恪鄴國公萊國公為二王後

三年春正月甲戌如西都復然燈以祈福然燈自天風俗相傳

人舉天下同其奢樂而風俗散之大者故錄其詔意則其失可知庚寅享于太廟辛卯有

事于南郊祀天于南郊書曰夫赦丙申群臣上尊號曰睿

文聖武廣孝皇帝二月壬戌講武于西杏園甲子延州高

萬興叛于岐來降唐末之亂疆弱相并或去彼來此不可

定分三月辛未渤海國王大諲譔遣使者來申戌如河中

以高萬興降劉知俊兵攻鄜延故也山南東道節度使楊師厚為潞州四面

五十六

五代史卷二

三

行營招討使劉知俊取丹州夏四月丙午知俊克延鄜坊

三州易傳曰取難得曰五月己卯至自河中殺佑國軍節度使王

重師六月庚戌劉知俊執佑國軍節度使劉捍叛附于岐

以身歸曰降以地歸曰附亦文理宜爾知俊為忠武軍節度使以同州附岐今直書知俊而不言地蓋忠武已見上文辛

亥如陝州以劉知俊叛故也乙卯龔王朱友謙為同州東面行營

招討使劉知俊奔于岐丹州軍亂逐其刺史宋知誨秋七

月商州軍亂逐其刺史李稠稠奔于岐乙丑克丹州執其

首惡王行思初不知首惡之人故直曰軍亂既克而推得之也丹州無主將姓名行思無官爵又不見

伏誅之日皆乙亥至自陝州甲申襄州軍亂殺其留後王

班智不足以衛身才不足以治眾而見殺者不書死之而被殺為文見死得其死者士之大節不妄以予人

房州刺史楊虔附坂于蜀八月辛亥降死罪囚辛酉均州刺

史張敬方克房州執楊虔閏月癸酉契丹遣使者來己卯

閱稼于西苑九月壬寅行營招討使左衛上將軍陳暉克

襄州執其首惡李洪命暉討亂舊史失不書至此始見既

丁未保義軍節度使王檀為潞州東面行營招討使辛亥

韓建楊涉罷太常卿趙光逢為中書侍郎翰林學士承旨

工部侍郎杜曉為戶部侍郎同中書門下平章事辛酉李

洪楊虔伏誅冬十一月甲午日南至告謝于南郊南至不

其以至日告謝而書告謝主用至日書之不己酉搜訪

賢良鎮國軍節度使康懷英伐岐十二月懷英克寧慶衍

四十七

五代史卷二

四

三州及劉知俊戰于升平敗績

四年春正月壬辰朔始用樂自唐末之亂禮樂亡至此始用樂故書丁未講

武于榆林二月己丑閱稼于穀水秋八月丙寅如陝州以

人晉人攻夏州故也河南尹張宗奭留守西都辛未護國軍節度使

楊師厚為西路行營招討使以伐岐九月己丑至自陝州

辛亥搜訪賢良冬十一月己丑寧國軍節度使王景仁為

北面行營招討使以伐趙趙王王鎔北平王王勣直叛附

于晉晉人救趙十二月癸酉頒律令格式

乾化元年春正月丁亥王景仁及晉人戰于栢鄉敗績庚

寅赦流罪以下囚求危言正諫癸巳天雄軍節度使楊師

厚為北面行營招討使夏四月壬申契丹阿保機遣使者來五月甲申朔大赦改元癸巳幸張宗奭第秋八月戊辰閱稼于榆林渤海遣使者來戊寅大閱于興安鞠場九月辛巳朔御文明殿入閣御殿而云入閣錄其本語書之以見其失足矣庚子如魏州魏州以晉人攻張宗奭留守西都冬十月丙子大閱于魏東郊十一月高萬興取鹽州壬辰至自魏州乙未回鶻吐蕃遣使者來

二年春二月丁巳光祿卿盧珽使于蜀甲子如魏州亦以晉人也相魏張宗奭留守西都次白馬殺左散騎常侍孫騰右諫議

大夫張衍兵部郎中張攜戊寅如貝州三月丙戌屠棗彊

五十四 五代史卷二 五

書屠著其丁未復如魏州夏四月己巳至自魏州不書如

此至東戊寅如西都五月丁亥德音降死罪已下囚德音

者從小其本罷役徒禁屠及捕生渤海遣使者來是月薛

貽矩薨六月疾革郢王友珪反叛者背此而附彼猶臣於

之大者日月之旨不書雖無義例而事亦有不得戊寅皇

而日反非一朝一夕不能得其日故反者皆不日帝崩年六十一不書崩處以異於得其終者乾化二年十一月友珪葬之可南伊闕縣號宣陵以其終不得其死故不書葬

嗚呼天下之惡梁久矣自後唐以來皆以為偽也至于諭

次五代獨不偽梁議者或譏予大失春秋之旨以謂梁負

大惡當加誅絕而友進之是獎篡也非春秋之志也予應

之曰是春秋之志爾曾桓公弒隱公而自立者宣公弒子

赤而自立者鄭厲公逐世子忽而自立者衛公孫剽逐其君衎而自立者聖人於春秋皆不絕其為君此予所以不偽梁者用春秋之法也然則春秋亦獎篡乎曰惟不絕四者之為君於此見春秋之意也聖人之於春秋用意深故能勸戒切為言信然後善惡明大欲著其罪於後世在乎不沒其實其實嘗為君矣書其為君其實篡也書其篡各傳其實而使後世信之則四君之罪不可得而掩爾使為君者不得掩其惡然後人知惡名不可逃則為惡者庶乎其息矣是謂用意深而勸戒切為言信而善惡明也桀紂不待貶其王而萬世所共惡者也春秋於大惡之君不誅絕之者不害其褒善貶惡之者也惟不沒其實以著其罪而信乎後世與其為君而不得掩其惡以息人之為惡能知春秋之此意然後知予不偽梁之旨也

五代史記卷第三

歐陽

脩

撰

徐

無黨

注

梁本紀第三

末帝太祖第三子友貞也

末非謚號從其本語

為人美容貌沈厚寡

言雅好儒士太祖即位封均王為左天興軍使東京馬步

軍都指揮使乾化二年六月太祖遇弒友珪自立殺博王

友文以弒帝之罪歸之以王為東京留守開封尹敬翔為

中書侍郎同中書門下平章事戶部尚書李振為崇政院

使明年友珪改元曰鳳曆二月駙馬都尉趙巖至東都王

三〇〇十一

五代史記卷三

一

李

育

私與之謀遣馬慎父之魏州見楊師厚計事師厚遣小校

王舜賢至洛陽告左龍虎統軍袁象先使討賊是時懷州

龍驤屯兵叛方捕索之王乃偽為友珪詔書發左右龍驤

在東都者皆還洛陽因激怒之曰天子以懷州屯兵叛追

汝等欲盡坑之諸將皆泣莫知所為王曰先皇帝經營王

業三十餘年今日尚為友珪所殺汝等安所逃死乎因出

太祖畫像于諸將而泣曰汝能趨洛陽擒逆賊則轉禍為

福矣軍士皆呼萬歲請王為主王乃遣人趣象先等庚寅

象先等以禁兵討賊友珪死杜曉見殺象先遣趙巖持傳

書至東都請王入洛陽王報曰夷門太祖所以興王業

也北拒并汾東至淮海國家藩鎮在東方命將出師利於
便近是月皇帝即位於東都即位大事夫其日而書是日見亂之甚於水都終上文也
復稱乾化三年復博王友文官爵三月丁未更名鏗夏五
月楊師厚取滄州秋九月甲辰御史大夫姚洎為中書侍
郎同中書門下平章事冬十二月晉人取幽州
四年夏四月丁丑貶于說為萊州司馬武寧軍節度使蔣
殷反天平軍節度使牛存節討之

貞明元年春正月在節克徐時藉殺自燔死故不書伏誅三月丁卯趙光逢罷平

盧軍節度使智德倫為天雄軍節度使命不書非常有故則書此書為天雄軍亂張本

分其相潭衛州為昭德軍宣徽使張筠為節度使己丑天雄軍亂

昭平 卷之三 二

賀德倫叛附于晉軍亂有首惡不書而書德倫叛者責者深也德倫不可加以首惡而可責其不死

以張彥質首惡而略不書彥質者德倫可誅而不誅故以德倫獨任其責邠州李保衡叛于

岐來附夏六月庚寅朔晉王李存勖入于魏州遂取德州

冬十月辛亥東王友孜反伏誅友者不日誅反者有日故書十一月乙

丑改元耀州温昭圖叛于岐來附是歲更名瑱舊史失其月日

二年春二月丙申楊涉罷三月鎮南節度使劉鄩及晉人

戰于故元城敗績奔于滑州晉人取衛州東州捉生都將

李霸反伏誅夏六月捉生都將張温叛降于晉秋七月晉

人取相州張筠奔于京師安國軍節度使陶寶叛附于晉

八月丁酉太子太保致仕趙光逢為司空兼門下侍郎同

中書門下平章事九月晉人取滄州橫海軍節度使戴思遠奔于京師晉人克貝州守將張源德死之書死得其死也冬十月丁酉中書侍郎鄭珣同中書門下平章事

三年夏四月辛卯右千牛衛大將軍劉瓌使于契丹冬十二月宣義軍節度使賀瓌為北面行營招討使已巳如西都卜郊晉人取楊劉

四年正月不克郊已卯至自西都夏四月巳酉尚書吏部侍郎蕭頊為中書侍郎同中書門下平章事已巳趙光逢罷冬十二月庚子朔賀瓌殺其將謝彥章孟審澄侯溫裕癸亥瓌及晉人戰于胡柳敗績是歲秦軍軍節度使張守

五代史卷三

三二

進叛附于晉亳州團練使劉鄩為兗州安撫制置以討之

舊史不書亡其月日故書于歲末為明年克兗州張本

五年春正月晉軍于德勝用兵無勝敗不書此梁秋八月

乙未朔開封尹王瓚為北面行營招討使冬十月劉鄩克

兗州張守進伏誅十二月晉人取濮陽天平軍節度使霍

彥威為北面行營招討使

六年夏四月巳亥降死書以下囚乙巳尚書左丞李琪為

中書侍郎同中書門下平章事河中節度使朱友謙襲同

州殺其節度使程全暉叛附于晉秦寧軍節度使劉鄩討

之秋七月陳州妖賊母乙自稱天子九月庚寅供奉官郎

公遠為契丹歡好使冬十月母乙伏誅

龍德元年春趙將張文禮殺其君鎔來乞師不許又禮初

子號王德明此書張文禮者從舊史也三月丁亥朔禁私度僧尼陳州刺史

惠王友能反夏五月丙戌朔德音改元降流罪已下囚秋

赦友能降封房陵侯天平軍節度使戴思遠為北面行營

招討使冬十月思遠及晉人戰于戚城敗績

二年春正月思遠襲魏州取成安秋八月滑州兵馬留後

段凝攻衛州執其刺史李存儒戴思遠克淇門共城新鄉

三年春三月潞州李繼韜叛于晉來附夏閏四月唐人取

鄆州未即修已自與梁為敵國至其建號於梁無所害故不書唐建號而書唐人有因事而見爾

五代史卷三

四

月庚申宣義軍節度使王彥章為北面行營招討使取德

勝有城秋八月段凝為北面行營招討使先鋒將康延孝

叛降于唐冬十月甲戌宣義軍節度使王彥章及唐人戰

于中都敗績凡官皆不重書此書者繼彥章已罷招討使而與唐戰蓋罷使別將兵以戰

也唐人取曹州盜竊傳國寶奪于唐戊寅皇帝崩十年三梁

亡書曰梁亡見唐莊宗之立速也四月莊宗立備唐十月祭始亡見唐不待城尔而立

五代史記卷第三

五代史記卷第四

歐陽

備

徐

無黨 注

唐本紀第四

莊宗光聖神閔孝皇帝其先本號朱邪蓋出於西突厥至其後世別自號曰沙陀而以朱邪為姓唐德宗時有朱邪盡忠者居於北庭之金滿州貞元中吐蕃贊普攻陷北庭徙盡忠於甘州而役焉之其後贊普為回鶻所敗盡忠與其子執宜東走贊普怒追之及于石門關盡忠戰死執宜獨走歸唐居之鹽州以隸河西節度使范希朝希朝徙鎮

三五十四

五代史記卷四

一

四

太原執宜從之居之定襄神武川之新城其部落萬騎皆驍勇善騎射號沙陀軍執宜死其子曰赤心懿宗咸通十年神策大將軍康承訓統十八將討龐勛於徐州以朱邪赤心為太原行營招討沙陀三部落軍使從以破勛功拜單于大都護振武軍節度使賜姓名李國昌以之屬籍沙陀素強而國昌恃功益橫忘懿宗患之十三年徙國昌雲州刺史大同軍防禦使國昌稱疾拒命國昌子克用尤善騎射能仰中雙鳧為雲州守捉使國昌已拒命克用乃殺大同軍防禦使段文楚據雲州自稱留後唐以太僕卿靈簡方為振武節度使會幽并兵討之簡方行至鳳州軍潰

由是沙陀侵掠代北爲邊患矣 年僖宗即位以謂前太
宗節度李業遇沙陀有恩而業已死乃以其子鈞爲靈武

克用聞之自雲州往迎國昌而雲州人亦閉關拒之國昌
父子無所歸因掠蔚朔間得兵三千國昌入保蔚州克用
還據新城僖宗乃拜鐸大同軍使以李鈞爲代北招討使
以討沙陀乾符五年沙陀破遼虜軍又破岢嵐軍而唐兵
數敗沙陀由此益熾北據蔚朔南侵忻代嵐石至于太谷
焉廣明元年招討使李琢會幽州李可舉雲州赫連鐸擊

沙陀

卷之四

二

帝

名

沙陀克用與可舉相拒雄武軍其叔父友金以蔚朔州降
于琢克用聞之遽還可舉追至藥兒嶺大敗之琢軍夾擊
又敗之于蔚州沙陀大潰克用父子亡入達靼克用少驍
勇軍士號曰李鷗兒其一目眇及其貴也又號獨眼龍其
威名蓋於代北其在達靼久之鬱鬱不得志又常懼其圖
已因時時從其羣豪射獵或掛針于木或立馬鞭百步射
之輒中羣豪皆服以爲神黃巢已陷京師中和元年代北
起軍使陳景思發沙陀先所降者與吐渾安慶等萬人赴
京師行至絳州沙陀軍亂大掠而還景思念沙陀非克用
不可將乃以詔書召克用於達靼承制以爲代州刺史

門以北行營節度使率蕃漢萬人出石嶺關過太原焚殺
軍錢節度使鄭從謹與之錢千緡米千石克用怒縱兵大
掠而還二年十一月景思克用復以步騎萬七千赴京師
三年正月至于河中進屯乾陀集黨驚曰鴟兒軍至矣二
月敗巢將黃鄴於石隄冬三月又敗趙章尚讓於良天坡
橫尸三十里是時諸鎮兵皆會長安大戰渭橋賊敗走入
城克用乘勝追之自光泰門先入戰均王春宮昇陽殿巢敗
南走出藍田關京師平克用功第一天子拜克用檢校司
空同中書門下平章事河東節度使以國昌為鴈門以北
行營節度使十月國昌卒十一月遣其弟克脩攻昭義孟

五代史卷四

三

方立取其澤潞二州方立走山東以邢洛懿三州自別為

昭義軍

昭義軍在唐時跨山東西管五州至是澤潞入于晉邢洛懿孟氏據之故當時有兩昭義

黃巢

南走至蔡州降秦宗權遂攻陳州四年克用以兵五萬救
陳州出天井關假道河陽諸葛爽不許乃自河中渡河四
月敗尚讓於太康又敗黃鄴于西華巢且走且戰至中牟
臨河未渡而克用追及之賊眾驚潰比至封丘又敗之巢
脫身走克用追之一日夜馳二百里至于宛胸不及而還
過汴州休軍封禪寺朱全忠饗克用於上源驛夜酒罷克
用醉卧伏兵發火起侍者郭景銖滅燭匿克用牀下以水
醒面而告以難會天大雨滅火克用得從者薛鐵山賀

鵬等隨電光繼尉氏門出還軍中七月至于太原訟其罪于京師請加兵於汴遣弟克脩將兵萬人也于河中以待僖宗和解之用破巢功封克用隴西郡王光啓元年河中王重榮與官者田令孜有隙徙重榮兗州以定州王勣存為河中節度使詔克用以兵護處存之鎮克用不僭號重榮使人給克用曰天子詔重榮俟克用至與處存共誅之因偽為詔書示克用曰此朱全忠之謀也克用信之八上表請討全忠僖宗不許克用大怒重榮既不肯徙僖宗遣邠州朱玫鳳翔李昌符討之克用反以兵助重榮敗玫于沙苑遂犯京師縱火大掠天子出居于興元克用退屯河

中朱玫亦反以兵追天子不及得襄王煚迫之稱帝屯于鳳翔僖宗念獨克用可以破玫而不能使也當破黃巢真安時天下兵馬都監楊復恭與克用善乃遣諫議大夫劉崇望以詔書召克用且道復恭意使進兵討玫等克用陽諾而不行明年孟方立死其弟遷立大順元年克用擊破孟遷取邢洛磁三州乃遣安金俊攻赫連鐸於雲州幽州李匡威救鐸戰於蔚州金俊大敗於是匡威鐸及朱全忠等皆請因其敗伐之昭宗以克用破黃巢功高不可伐下其事臺省四品官議議者多言不可宰相張浚獨以謂沙陀前逼僖宗幸與元罪當誅可伐軍容使楊復恭克用所

善也亦極諫以爲不可昭宗然之詔諭全忠等全忠陰敗
濬使持其議益堅昭宗不得已以濬爲太原四面行營兵
馬都統韓建爲副是時潞州將馮霸叛降于梁梁遣葛從
同入潞州唐以京兆尹孫揆爲昭義軍節度使克用遣李
存孝執揆于長子又遣康君立取潞州十一月濬及克用
戰于陰地濬軍三戰三敗濬建逃歸克用兵大掠晉絳至
于河中赤地千里克用上表自訴其辭慢侮天子爲之引
外優詔答之二年二月復拜克用河東節度使隴西郡王
加檢校太師兼中書令四月攻赫連鐸于雲州圍之百餘
日鐸走吐渾八月大蒐于太原出晉絳掠懷孟至于邢州

五代史卷四

五十一

遂攻王鎔于鎮州克用柵常山西以十餘騎渡滹沱覘敵
遇大雨平地水深數尺鎮人襲之克用匿林中禱其馬曰
吾世有太原者馬不嘶馬偶不嘶以免前軍李存孝取臨
城進攻元氏李匡威救鎔克用還軍邢州景福元年王鎔
攻邢州李存信李嗣勳等敗鎔于堯山二月會王處存攻
鎔戰于新市爲鎔所敗八月李匡威攻雲州以牽克用之
兵克用潛入于雲州返出擊匡威匡威敗走十月李存孝
以邢州叛二年存孝求援於王鎔克用出兵并陘擊鎔且
以書招鎔而急攻其平山鎔懼遂與克用通和獻帛五十
萬匹出兵助攻邢州乾寧元年二月執存孝殺之冬攻幽

北本言信安城走避景城見劉仁恭為留後
河中王重盈卒其諸子珂珙爭立克用請立珂鳳翔李茂
貞邠寧王行瑜華州韓建請立珙昭宗初兩難之乃以宰
相崔胤為河中節度使既而許克用立珂茂貞等怒三鎮
兵犯京師聞克用亦起兵乃皆罷去六月克用攻絳州斬
刺史王瑤瑤珙弟助珙以爭者七月至于河中同州王行
約奔于京師陽言曰沙陀十萬至矣謀奉天子幸邠州茂
貞假子闞圭亦謀劫幸鳳翔京師大亂昭宗出居于石門
克用軍留月餘不進昭宗遣延王戒丕丹王允兄弟事克用
且告急八月克用進軍渭橋以為邠寧四面行營都統昭

宗還京師十一月克用擊破邠州王行瑜走至慶州見殺
克用還軍雲陽請擊茂貞昭宗慰勞克用使與茂貞解仇
以紓難拜克用忠正平難功臣封晉王是時晉軍渭北遇
兩六十日或勸克用入朝克用未決都押衙蓋寓曰天子
還自石門寢未安席若晉兵渡渭人情豈復能安勤王而
已何必朝哉克用笑曰蓋寓猶不信我况天下乎乃收軍
而還三年正月昭宗復以張濬為相克用曰此朱全忠之
謀也乃上表曰若陛下朝以濬為相則臣將暮至闕廷京
師大恐濬命遽止朱全忠之攻兗鄆也克用遣李存信假
道魏州以救朱宣等存信屯于莘縣軍士侵掠魏境羅弘

信伏兵攻之存信敗走洛州古角自將擊魏戰于洹水
其子落落六月破魏成安洹水臨漳等十餘邑十月又敗
魏人于白龍潭進攻觀音門全忠救至乃解四年劉仁恭
叛晉克用以兵五萬擊仁恭戰于安塞克用大敗光化元
年朱全忠遣葛從周攻下邢洛磁三州克用遣周德威出
青山口遇從周于張公橋德威大敗冬洛州守將薛志勤
卒李罕之據潞州叛附于朱全忠二年全忠遣氏叔琮攻
破承天軍又破遼州至于榆次周德威敗之于洞渦秋李
嗣昭復取澤潞三年嗣昭敗汴軍于沙河復取洛州朱全
忠自將圍之嗣昭走至青山口遇汴伏兵嗣昭大敗秋嗣

昭取懷州是歲汴人攻鎮定鎮定皆絕晉以附于朱全忠
天復元年全忠封梁王梁攻下晉絳河中執王珂以歸晉
失三與國乃下意爲書幣聘梁以求和梁王以爲晉弱可
取乃曰晉雖請盟而書辭慢因大舉擊晉四月氏叔琮入
天井張文敬入新口葛從周入土門王處直入飛狐侯言
入陰地叔琮取澤潞其別將白奉國破承天軍遼州守將
張鄴汾州守將李瑋皆迎梁軍降晉人大懼會天大雨霖
祭兵多疾皆解去五月晉復取汾州誅李瑋六月周德威
李嗣昭取慈隰二年進攻晉絳大敗于蒲縣梁軍乘勝破
汾慈隰三州遂圍太原克用大懼謀出奔雲州又欲奔幽

如未決而梁軍大疫解去曰德威復取汾慈熙二州四年
梁遷唐都於洛陽改元曰天祐克用以謂劫天子以遷都
者梁也天祐非唐號不可稱乃仍稱天復五年會契丹阿
保機於雲中約為兄弟六年梁攻燕滄州燕王劉仁恭來
乞師克用恨仁恭反覆欲不許其子存勗諫曰此吾復振
之時也今天下之勢歸梁者十七八疆如趙魏中山莫不
聽命是自河以北無為梁患者其所憚者惟我與仁恭耳
若燕晉合勢非梁之福也夫為天下者不顧小怨且彼常
困我而我急其難可因以德而懷之是謂一舉而兩得此
不可失之機也克用以為然乃為燕出兵攻破潞州梁圍

李嗣昭為潞州留後

七年

并

乃解去以李嗣昭為潞州留後七年梁兵十萬攻潞州圍
以夾城遣周德威救潞州軍于亂柳冬克用疾是歲梁滅
唐克用復稱天祐四年五年正月辛卯克用卒年五十三
子存勗立葬克用於鴈門

嗚呼世久而失其傳者多矣豈獨史官之謬哉李氏之先
蓋出於西突厥本號朱邪至其後世別自號曰沙陀而以
朱邪為姓拔野古為始祖其自序云沙陀者北庭之磧也
當唐太宗時破西突厥諸部分同羅僕骨之人於此磧置
沙陀府而以其始祖拔野古為都督其傳子孫數世皆為
沙陀都督故其後世因自號沙陀然予考于傳記其說皆

非也夷狄無姓氏朱邪部族之號耳拔野古與朱邪同時人非其始祖而唐太宗時未嘗有沙陀府也唐太宗破西突厥分其諸部置十三州以同羅爲龜林都督府僕骨爲金微都督府拔野古爲幽陵都督府未嘗有沙陀府也當是時西突厥有鐵勒薛延陀阿史那之類爲最六其別部有同羅僕骨拔野古等以十數蓋其小者也又有處月處密諸部又其小者也朱邪者處月別部之號耳太宗二十二年已降拔野古其明年阿史那賀魯叛至高宗永徽二年處月朱邪孤注從賀魯戰于牢山爲契苾何力所敗遂沒不見後百五十年當憲宗時有朱邪蓋忠及子執宜見於中國而自號沙陀以朱邪爲姓矣蓋沙陀者大磧也在金莎山之陽蒲類海之東自處月以來居此磧號沙陀突厥而夷狄無文字傳記朱邪又微不足錄故其後世自失其傳至蓋忠孫始賜姓李氏李氏後大而夷狄之人遂以沙陀爲貴魏云

五代史記卷第五

歐陽

脩

撰

唐本紀第五

徐

無黨

注

存勗克用長子也初克用欲置方立于邢州還軍上黨置酒三垂岡伶人奏百年歌于衰老之際聲辭甚悲坐者皆悽愴時存勗在側方五歲克用慨然將鬚指而笑曰吾行老矣此奇兒也後二十年其能代我戰于此乎存勗年十一從克用破王行瑜遣獻捷于京師昭宗異其狀貌賜以鷓鴣卮翡翠盤而撫其背曰兒有奇表後當富貴無忘

五代史記卷第五

一

予家及長善騎射膽勇過人稍習春秋通大義尤喜音聲歌舞俳優之戲天祐五年正月即王位于太原叔父克寧殺都虞候李存質宰臣史敬鎔告克寧謀叛二月執而戕之且以先王之喪叔父之難告周德威德威自亂柳還軍太原梁夾城兵聞晉有大喪德威軍且去因頗懈王謂諸將曰梁人幸我大喪謂我少而新立無能為也宜乘其怠擊之乃出兵趨上黨行至三垂岡歎曰此先王置酒處也會是大霧晝暝兵行霧中攻其夾城破之梁軍大敗凱旋告廟九月蜀王王建岐王李勣首及楊崇本攻梁大安晉亦遣周德威攻其晉州敗梁庸丰神山六年劉知俊叛梁

來乞師王自將至陰地關遣周德威攻晉州敗梁軍于蒙
阮七年冬梁遣王景仁攻趙趙王王鎔來乞師諸將皆疑
鎔詐未可出兵王不聽乃救趙八年正月敗梁軍于柏鄉
斬首二萬級獲其將校三百人馬三千匹進攻邢州不下
留兵圍之去攻魏別遣周德威徇梁夏津高唐攻博州破
東武朝城遂擊魏陽臨河淇門掠新鄉共城燕王劉守光
聞晉攻梁深入乃大治兵聲言助晉王患之乃旋師七月
會趙王王鎔于承天軍劉守光稱帝于燕九年正月遣周
德威會鎮定以攻燕守光求救於梁梁軍攻趙屠棗彊李
存審擊走之八月朱友謙以河中叛于梁來降梁遣康懷

五代史卷五

二

景

英討友謙友謙復臣于梁而亦陰附于晉十年十月劉守
光請降王如幽州守光背約不降攻破之十一年殺燕王
劉守光于太原用其父仁恭于鴈門剖心以祭墓也於是趙王王
鎔北平王王處直奉冊推王為尚書令始建行臺七月攻
梁邢州戰于張公橋晉軍大敗十二年魏州軍亂賀德倫
以魏博二州叛于梁來附王入魏州行至永濟誅其亂首
張彥以其兵五百自衛號帳前銀鎗軍六月王兼領魏博
節度使取德州七月取澶州劉鄩軍于洹水王率百騎覘
其營遇鄩伏兵圍之數重夾圍而出亡七騎八月梁復取
澶州晉軍與鄩對壘于莘晉軍數挑戰鄩閉壁不出十三

年正月王留李存審于莘殺讐言西歸鄴聞晉王且去即引兵擊魏攻城東王行至貝州返擊鄴大敗之追至于故元城又敗之鄴走黎陽三月攻梁衛州降其刺史來昭克磁州殺其刺史靳昭四月克洛州八月圍邢州降其節度使閻寶梁張筠奔相州戴思遠奔滄州而逃遂取二州貝州人殺梁守將張源德以城降契丹寇蔚州執振武節度使人李嗣本十四年契丹寇新州遂寇幽州李嗣源擊走之冬梁謝彥章軍于揚劉十二月攻揚劉王自負芻以堙澗遂破之十五年正月梁晉相拒于揚劉彥章決河水以隔晉軍六月渡水擊彥章破其四寨八月大閱于魏合盧龍橫

海昭義安國及鎮定之兵十萬馬萬匹軍于麻家渡謝彥章軍于行臺十二月進軍臨濮梁軍追之戰于胡柳晉軍大敗周德威死之梁軍暮休于土山晉軍復擊大敗之遂軍德勝爲夾寨十六年正月王兼領盧龍軍節度使梁王璿攻德勝南城不克十月廣德勝北城十二月敗梁軍于河南十七年朱友謙襲同州梁遣劉鄩擊友謙李存審敗梁軍于同州十八年正月魏州僧傳真獻唐受命寶一趙將張文禮執其君懿文禮來請命二月以文禮爲鎮州兵馬留後三月河中節度使朱友謙昭義軍節度使李嗣昭橫海軍節度使李存審義武軍節度使王處直安國軍節

度使李嗣源鎮州兵馬留後張文禮領天平軍節度使
寶天同軍節度使李存璋振武軍節度使李存進匡國軍
節度使朱令德請王即皇帝位王三辭友謙等三請王曰
予當思之八月遣趙王王鎔故將符習及闞寶史建塘等
攻張文禮於鎮州建塘取趙州張文禮卒其子處瑾門城
拒守九月建塘戰死十月梁戴思遠攻德勝北城李嗣源
敗之于戚城王處直叛附于契丹其子都幽處直以來附
十二月契丹寇涿州遂寇定州十九年正月敗契丹于新
城望都追奔至于幽州三月闞寶敗于鎮州以李嗣昭代
之四月嗣昭戰死以李存進代之八月梁取衛州九月存

五代史卷五

四

皇

進敗鎮人于東垣存進戰死十月李存審克鎮州王兼領
成德軍節度使同光元年春三月李繼韜以潞州叛附于
梁夏四月己巳皇帝即位大赦改元國號唐行臺左丞相
巨盧革為門下侍郎右丞相盧程為中書侍郎同中書門
下平章事中門使郭崇韜昭義監軍張居翰為樞密使
使唐故以宦者為之其職甚微至此始參用士人而與宰相權任鈞矣故與宰相並書以魏州為東
京太原為西京鎮州為北都閏月追尊祖考為皇帝妣為
皇后曾祖執宜祖妣崔氏皆謚曰昭烈廟號懿祖祖國昌
祖妣秦氏皆謚曰文景廟號獻祖 考謚曰武廟號太祖
立廟于太原自唐高祖太宗懿宗昭宗為七廟自尊祖考則立廟

知故皆不書廟此書者以立高祖已下四廟故也此大事也舊史失其日壬寅李嗣源取鄆州

後唐太祖置義兒軍如李嗣昭等甚衆初皆賜姓名而不全若子故書李嗣源者書其所賜姓名爾不以子書也與

友文從河異五月辛酉梁人取德勝南城六月及王彥章戰于

新壘敗之是月盧程罷也八月梁人克澤州唐末澤州皆屬晉梁初已

得澤州至此又屬晉而梁克之中間不見晉得澤州年月蓋舊史闕不書五代之亂戰爭攻取彼此得失不常多類

此守將裴約死之九月戊辰李嗣源及王彥章戰于遮坊

敗之冬十月壬申如鄆州以襲梁掩其不備疾馳而入之故曰襲文理宜然無褒

也甲戌取中都丁丑取曲州已卯滅梁敬翔自殺翔為梁臣梁所

以亡唐翔之謀為多梁之亡也翔雖死之不書死而書自殺死大節也見不輕予人丙戌貶鄭珣為

萊州司戶參軍蕭頊登州司戶參軍殺李振趙巖張漢傑

五代史卷之五

五

朱珪滅其族已丑德音改死罪囚流已下原之十一月乙

巳復北都為鎮州大原之北都丙辰復汴州為宣武軍丁

巳尚書左丞趙光胤為書侍郎禮部侍郎韋說同中書

門下平章事戊午新羅國王金朴英遣使者來辛酉復永

平軍為西都甲子如洛言洛京也十二月庚午朔至自汴

州辛巳李繼韜伏誅繼之弟繼達殺其兄繼儔于潞州

繼儔以被殺書非不予其死蓋繼連殺其君者同壬辰敗于伊闕

二年春正月河南尹張公義及諸鎮進暖殿物已酉求唐

宦者凡書過惡辭與譏貶者庚戌新羅國王金朴英及其

泉州節度使王逢規皆遣使者來乙卯渤海國王大誼讓

使大禹謨來庚申如河

也皇太后也太后曹氏莊宗也莊宗即位遣盧程奉冊為皇

太后舊史實錄皆無奉冊月日故不書

辛未至自河陽丁卯七廟神主至自

太原祔于太廟朝獻于太微宮戊辰享于太廟二月己巳

朔有事于南郊大赦癸丑日羣臣上尊號曰昭文睿武光孝

皇帝戊寅幸李嗣源第

癸未立劉氏為皇后王代十三君立后者七辭

有不同立得其正者曰以某妃某夫人某氏為皇后其三

不正者直曰立某氏為白后嫌與得正同爾無褒貶也三月己酉党項來庚戌賜以

從平汴州及入洛南郊立仗軍士等功臣庚申工部郎中木

子塗為檢視諸陵使唐諸帝潞州

將楊立反夏五月壬寅

致坊使陳俊為景州刺史內園栽

接使儲德源為憲州刺史

入命官不書比書其甚也丙辰渤海國王大

諲譔遣使者來丙寅李

嗣源克潞州不書命將舊史闕六月丙子

楊立伏誅己丑封回紇一工仁美為英義可汗秋七月己酉

如雷山賽天神事也

八月大雨霖河溢九月壬子置水

于城門以禳災惑本紀書曰災不書異災惑為置水非禮書

德水旱風蝗之類害物也日災也故書其變逆常甲寅幸郭

崇韜第丙辰黑水遣使

暉妻一產三男子

比亦以此為善祥故於亂世書以見不然一

十一月癸卯敗于伊闕

書至見其留丁巳

回鶻使都督安千想來十二月庚午及皇后幸張全義第

三年春正月庚子如東即即位壇為鞠場二月己巳聚

鞠于新場乙亥射鴈于王莽河辛巳突厥酒解樓渤海國

王大誣譏皆遣使者來射鴈于北郊乙酉射鴨于郭泊庚

寅射鴈于北郊三月乙未寒食望祭于西郊非禮故書

庚申至自東京辛酉改東京為鄴都以洛京為東都夏四

月乙亥及皇后幸郭崇韜朱漢賓第皇庚常與趙光胤薨五

月丁酉皇太妃薨廢朝五日太祖正室於莊宗為嫡母書太妃及輟朝自亂世禮壞而

恩薄已酉黑水女真皆遣使者來六月辛未宗正卿李紆為

昭宗少帝改卜園陵使少帝濟陰王也梁崇曰謚曰哀皇括

馬秋七月壬寅皇太后崩不書冊皇太后已見上注八月癸未殺河南

縣令羅貫九月庚子魏王繼岌為西川四面行營都統郭

五代史卷之五

崇韜為招討使以伐蜀自六月雨至于是日丁巳射鴈于

尖山冬十月壬午奚吐渾突厥皆遣使者來戊子葬貞簡

太后于坤陵十一月丁未高麗遣使者來己酉蜀王衍降

唐兵入蜀不攻不戰君臣迎降故直書其實以見下書殺衍為殺降郭崇韜殺王宗弼及其

弟宗渥宗訓滅其族十二月己卯畋于白沙癸未至自白

沙閏月辛亥封弟存美為邕王存霸永王存禮薛王存渥

申王存乂睦王存確通王存紀雅王

四年春正月壬戌降死罪以下囚甲子魏王繼岌殺郭崇

韜及其三子于蜀宣宗皇后劉氏作教與繼岌使殺崇韜而

子命可止戊寅契丹使梅老鞋里來庚辰殺其弟睦王存

而不止

又及河中護國軍節度使李繼麟滅其族之酉沙州曹義

金遣使者來丙戌回鶻阿咄欲遣使者來丁亥殺李繼麟

之將史武薛敬容周唐毅楊師太王景來仁白奉國皆滅

其族二月己丑宣徽南院使李紹宏為樞密使癸巳鄴都

軍將趙在禮反于貝州反者皆不日獨在禮書曰推亦其心可知爾其事具本傳蓋在禮初無亂心以

是日見迫而反爾雖加以大惡之名猶原其平心而甲午畋

于冷泉趙在禮陷鄴都武寧軍節度使李紹榮討之邢州

軍將趙太反東北面招討使李紹真討之甲辰成德軍節

度使李嗣源討趙在禮三月趙太伏誅李嗣源反博州守

將翟建自稱刺史甲子殺王衍滅其族許其不死降而殺又滅其族於殺

五代史卷之五

非罪此為甚而書無異辭乙丑如汴州壬申次滎澤龍驤

指揮使姚彥溫以前鋒軍叛降于李嗣源嗣源入于汴州

甲戌至自萬勝帝至萬勝鎮聞嗣源已入汴州乃還從馬直指揮使郭從謙

反夏四月丁亥朔皇帝崩年四十三帝尸為伶人焚之明宗入洛得其骨燼天成元年上

月葬之河南新安縣号雍陵至晉避廟諱更曰伊陵其不書葬與梁太祖同

五代史記卷第五

五代史記卷第六

歐陽

脩

撰

徐

無黨

注

唐本紀第六

明宗暉德和武欽孝皇帝世本茂狄無姓氏父覓為鴈門部將生子邈佶烈以騎射事太祖為人質厚寡言執事恭謹太祖養以為子賜名嗣源梁攻兗鄆朱宣朱瑾來乞師太祖遣李存信將兵三萬救之存信留莘縣不進使嗣源別以兵三千先擊梁兵梁兵解去存信留莘縣久之為羅弘信所襲存信敗走嗣源獨殿而還太祖以嗣源所將騎

三〇七十一

五代史記卷六

一

梁文

肖

五百號橫衝都先化三年李嗣昭攻梁邢洛出青山遇葛從周兵嗣昭大敗走梁兵追之嗣源從間道後至謂嗣昭曰為公一戰乃解鞍礪鏃憑高為陣左右指畫梁追兵望之莫測嗣源急呼曰吾取葛公士卒可無動乃馳騎犯之出入奮擊嗣昭繼進梁兵解去嗣源身中四矢太祖解衣賜藥以勞之由是李橫衝名重四方梁晉相拒于柏鄉梁龍驤軍以赤白馬為兩陣旗幟鎧仗皆如馬色晉兵望之皆懼莊宗舉鍾以飲嗣源曰卿望梁家赤白馬懼乎雖吾亦怯也嗣源笑曰有其表爾翌日歸晉殿也莊宗大言曰卿當以氣吞之因引鯉飲醢奮繼馳騎犯其白馬挾二驂

將而還梁兵敗以功拜代州刺史莊宗攻劉守光嗣源及
李嗣昭將兵三萬別出飛狐定山後取武媯儒三州莊宗
已平魏州因徇下磁相拜相州刺史昭德軍節度使久之
徙鎮安國契丹攻幽州莊宗遣嗣源與閻寶等擊走之同
光元年徙鎮橫海是時梁唐相拒于河上李繼韜以潞州
叛降梁莊宗有憂色召嗣源帳中謂曰繼韜以上黨降梁
而梁方急攻澤州吾出不意攻其鄆州以斷梁右臂可乎
嗣源對曰夾河之兵久矣苟非出奇則大計不決臣請獨
當之乃以步騎五千涉濟至鄆州鄆人無備遂襲破之即
拜天平軍節度使蕃漢馬步軍副總管梁軍攻破德勝南

柵莊宗退保楊劉王彥章急攻鄆州莊宗悉軍救之嗣源
為前鋒擊敗梁軍追至中都擒彥章及梁監軍張漢傑彥
章雖敗而段凝悉將梁兵屯河上莊宗未知所嚮諸將多
言乘勝以取青齊嗣源曰彥章之敗凝猶未知使其聞之
遲疑定計亦須三日縱使料吾所向亟發救兵必渡黎陽
數萬之衆舟楫非一日具也此去汴州不數百里前無險
阻方陣而行信宿可至汴州已破段凝豈足顧哉而莊宗
韜亦勸莊宗入汴莊宗以為然遣嗣源以千騎先至汴攻封
丘門王瓚開門降莊宗後至見嗣源大喜手攬其衣以頤
觸之曰天下與爾共之拜中書令二年莊宗祀天南郊時以

鐵券五月破楊立于潞州六月從鎮宣武兼蕃漢內外
步軍總管冬契丹侵漁陽嗣源敗之于涿州三年從鎮成
德莊宗幸鄴請朝行在不許高祖太后疾請入省又不許
太后崩請赴山陵許之而契丹侵邊乃止十二月遂朝于
洛陽

天成元年

實同光四年而書天成元年者大赦改元文見下可知莊宗本紀自書同光四年各從其所稱

既曰改元不郭崇韜朱友諒皆以護死嗣源以名位高亦
見疑忌趙在禮反於魏大臣皆請遣嗣源討賊莊宗不許
羣臣屢請莊宗不得已遣之三月壬子嗣源至魏屯御河
南在禮登樓謝罪甲寅軍變嗣源入于魏與在禮合夕出

女日十七

卷之六

三

仲

止魏縣丁巳以其兵南遣石敬瑭將三百騎為先鋒嗣源
行過鉅鹿掠小坊馬二千匹以益軍壬申入汴州四月丁
亥莊宗崩己丑入洛陽甲午監國朝羣臣于興聖宮乙未

中門使安重誨為樞密使殺元行欽及租庸使孔謙壬寅

左驍衛大將軍孔循為樞密使丙午始奠于西宮

曰始奠見其緩

也自巳丑入洛至此二十日矣

皇帝即位于樞前

樞前即位嗣君之禮也

君之禮書能其實而不變文者蓋先已書反正其罪矣此書其實者見其猶有自憚之心而欲逃大惡之名也易

斬縷以袞冕

既用嗣君之禮矣遂釋縷而服冕政書以見其情詐

壬子魏王繼岌薨

諸王薨不書此書者見明宗舉兵實反會從兼統逆遂

甲

黃大赦改元渤海國王大誣譏使大陳林來是月張居翰

罷五月丙辰朔太子賓客鄭珪工部尚書任圜為中書侍郎

郎同中書門下平章事戊辰趙在禮為義武軍節度使在禮

始亂宜誅而明宗因之以反命以方鎮報其功也按書六月丁酉汴州樺鶴軍亂指

揮使張諫殺其權知州事高以巳亥諫伏諫秋七月庚申

安重誨殺殿直馬延于御史臺門御史臺門在東臺所以糾百官之

其契丹使梅老述骨來渤海使大昭錄來巳卯貶豆盧革

為辰州刺史韋說涿州刺史甲申流韋平陵州說于合州

八月乙酉朔陝州破石縣民高存善產三男子丁酉以

象笏三十二賜百官之無笏者見轉韻延表閱稼于冷泉

宮巳亥契丹寇邊丁未平盧軍節度使霍彥威殺其登州

刺史王公儼甲寅醫官張志忠為太原少尹九月巳未奉

至德宮及袁建豐第冬十月丁亥雲南山後兩林百蠻都

鬼主右武衛大將軍李卑晚使大鬼主傳能何華來辛丑

契丹使沒骨餒來告阿保機哀廢朝三日早辛亥兩

二年春正月癸丑朔更名曹發文瑞明殿學士兵部侍郎

馮道太常卿崔協為中書侍郎同中書門下平章事二月

壬午朔新羅使張芬來西川節度使孟知祥殺其兵馬都

監李巖丙申赦京師囚郭從謙為景州刺史既而殺之從謙

弒君不討而命以官故書與在禮同罪宜誅而書戊戌山

殺者明宗亦同罪不得行誅故以兩相殺書之南東道節度使劉訓為南面招討使以伐荆南是時荆南

自絕恭中

國而附吳不以有罪書討而書伐見非內臣不責其狀三月壬子朔幸會節園羣臣

買宴游幸若不過度則小事也皆不書推莊宗及晉出帝之世則書者著其過度耳明宗於五代勤儉之君游幸無過度此書以著盧臺軍亂殺其將烏震新羅使林彥

來夏四月庚寅盧臺軍將龍旺等伏誅六月丙戌任圜罷

庚子幸白司馬坡祭突厥神夷狄之事也秋七月甲子隨州刺

史西方鄴取瓊安忠萬州癸酉殺且盧華韋說八月乙酉梓

柯使宋朝化及昆明使者來九月庚午党項使如連山來

壬申契丹使梅老來冬十月乙酉如汴州宣武軍節度使

朱守殷反馬步軍都指揮使馬彥超死之己丑守殷自殺

不書克汴州者天子自以兵討未嘗攻戰直入其城也他自殺不書為書克州此不書克州故書自殺乙未

殺太子少保致仕任圜實安重海稱詔殺之不書重海殺者明宗知而不責又下詔書誣圜以罪故以明辛丑德音釋輕繫囚是月博箭于霍正威宗自殺書之

十一月乙亥契丹使梅老來十二月己丑回鶻西界

吐蕃遣使者來甲辰畋于東郊丙午追尊祖考為皇帝妣

為皇后高祖諡曰孝恭廟號惠祖祖妣劉氏諡曰孝恭

昭曾祖教諡曰孝質廟號毅祖祖妣張氏諡曰孝質順祖

琰諡曰孝靖廟號烈祖祖妣何氏諡曰孝靖穆考諡曰孝

成廟號德祖妣劉氏諡曰孝成懿立廟于應州

三年春正月丁巳契丹陷平州二月辛巳吐渾都督李福

虜來乙未孔循罷戊戌田勳使李阿山來三月丁未朔

扎求直言己未鄭珽罷癸亥成德軍節度使王建立為尚
書右僕射同中書門下平章事丙午鄴克歸州戊辰宣徽
南院使范延光為樞密使夏四月戊寅延光罷乙酉達鞠
遣使者來義武軍節度使王都及壬寅歸德軍節度使王
晏球為北面行營招討使五月契丹禿鹵入于定州辛酉
右衛上將軍趙敬怡為樞密使封回鶻可汗王仁裕為順
化可汗秋七月己未殺齊州防禦使曹廷隱八月盧龍軍
節度使趙德鈞執契丹首領惕隱赫邈慶州防禦使竇廷
琬反冬十月靜難軍節度使李敬周討之丁巳突厥使張
慕晉來十一月壬午吐渾使念九來甲午王建立罷十二

月李敬周克慶州竇廷琬伏誅辛亥奉康義感第一

四年春正月壬辰回鶻使掣撥都督來二月癸卯王晏球

克定州王都自焚辛酉晏球獻賊伴趙敬怡薨丁卯崔

協薨庚午至自汴州三月丙戌殺姪從璨夏四月契丹寇

雲州癸丑契丹使撩括梅里來求禿鹵殺之甲寅端明殿

學士尚書兵部侍郎趙鳳為門下侍郎兼工部尚書同中

書門下平章事五月己巳朝羣臣賀朔不曰規朝而曰賀

事自不書爾五月賀朔出於道家之說自唐以來用之書

之見非出舉非禮之不急者此禮其後屢行皆不復書者

與入乙酉追謚少帝曰昭宣光烈孝皇帝契丹寇雲州秋
七月壬申殺右金吾衛上將軍毛璋八月乙巳黑水使骨

至來丁未吐渾首領念公山來乙卯党項折遇明來
李向麗王建使張樹小九月癸巳殺供奉官烏昭遇冬十二
月辛丑殺西平縣令李商長興元年春正月丁卯開馬
苑辛卯宣徽南院使朱弘昭為大內留守二月戊戌黑水
兀兒遣使告來乙巳天雄軍節度使石敬瑭為御營使
丑朝獻于太微宮甲寅享于太廟乙卯有事于南郊大赦
改元三月庚寅立淑妃曹氏為皇后夏四月戊戌安重誨
使河中衙內指揮使楊彥溫逐其節度使從珂壬寅西京
留守索自通侍衛步軍指揮使藥彥稠討之辛亥自通執
彥溫殺之彥溫雖有罪有命獲而勿殺自通擅殺之故不書誅而書殺戊午羣臣上尊

五代史六

七

號曰聖明神武文德恭孝皇帝辛酉吐蕃首領干撥葛來
五月丁丑回鶻使薩栗祖來庚辰回鶻使安黑連來秋七
月壬午訪莊宗子孫瘞所莊宗子孫而不知瘞所見明宗
舉兵不順禍害所罹者可哀也
步此始求之見八月乙未忠武軍節度使張延朗為三司
事緩而無恩使三司使始於此壬寅殺捧聖都軍使李行德十將張儉
而今遂因之滅其族吐渾來附封子從榮為秦王戊申海州將王傳極
殺其刺史陳宣叛于吳來降乙卯吐渾康合畢來丙辰封
子從厚為宋王九月壬戌吐蕃使王滿儒來東川節度使
董璋反甲申成德軍節度使范延光為樞密使丁亥石敬
瑭為東川行營都招討使冬十月丁酉始藏冰甲辰驍衛

上將軍致仕張筠進助軍粟乙巳董璋陷閬州殺節度使李仁矩

使姚洪死之孟知祥反十一月庚申朔秦王從榮受冊謁于太廟冊禮發於亂世至丙戌契丹東丹王

突欲來奔夷狄不可以禮義責故不曰叛于契丹十二月丁未二王後秘書

丞鄴國公楊仁矩卒廢朝一日丁巳回鶻順化可汗王仁

裕使羅末斯來安重誨討董璋不命將名直以樞密使往沙州曹義金

遣使者來

二年春正月戊辰党項使折七移來庚辰達怛使列六薛

孃居來二月丁酉辛亥元信第戊戌突厥使杜阿熱吐渾

使康萬琳來辛丑安重誨罷三月趙鳳罷丁亥太常卿李

五代史六

愚為中書侍郎同中書門下平章事夏四月甲辰宣徽北

院使趙延壽為樞密使甲寅董璋陷遂州武信軍節度使

夏魯奇死之乙卯以旱赦流罪以下囚閏五月丁酉殺太

子太師致仕安重誨及其妻張氏子崇贊崇緒秋八月己

未契丹使邪姑兒來九月丁亥赦五坊鷹隼冬十一月

申吐蕃遣使皆來辛丑旌表棧州民邢劄門于若之

禮義亡民猶有自知才悖而時君十二月甲寅朔

禁初稅農具錢至八因巳未西涼府遣使者來巳巳

使來思來辛未海使文成角來党項寇方集

三年春正月庚子契丹使搜骨來巳酉渤海回鶻皆

者來二月己卯靜難軍節度使蔡彥稠及党項戰于牛兒
谷敗之三月甲申契丹遣使者來夏四月庚申新羅遣使
者來五月己丑二王後啓事司直楊延紹襲封鄴國公丙
午孟知祥攻董璋陷綿州六月甲寅封王建為高麗國王
大義軍使孟知祥殺董璋陷東川達輶首領頡哥以其族
來附秋八月己卯吐蕃遣使者來冬十月庚申辛石敬瑭
第

四年春正月庚寅端明殿學士兵部侍郎劉昫為中書侍
郎同中書門下平章事二月戊午孟知祥使朱滂來十國
不書此書者知祥本唐臣而反至此改過自歸絕之則嫌
外而
不詳其自新錄之則尚冀其遷善然其來也臣禮不備故

五代史六

九

如夷狄三月甲辰追冊晉國夫人夏氏為皇后夏五月戊

寅封子從珂為潞王從珂非子而書子與梁傳王文同從益許王姪從溫

充王從璋洋王從敏涇王丙戌契丹使述骨卿來秋七月

乙未回鶻都督李末來獻白鶻命放之八月戊申大赦九

月戊戌趙延壽罷山南東道節度使朱弘昭為樞密使冬

十月庚申范延光罷三司使馮贍為樞密使壬申幸士和

亭得疾書得疾為從十一月壬辰秦王從榮以兵入興聖

宮不克伏誅君病不侍疾以兵求立罪當誅故書狀誅其

意以謂帝崩矣懼不得立而舉兵自助非反故不書反乙未侍衛親軍都指揮使康義誠殺三司使孫岳戊


戌皇帝崩于雍和殿年六十七清泰元年葬河南洛陽縣

號徽陵鉅得其死而為賊所葬故亦

不書 嗚呼自古治世少而亂世多三代之王有天下者皆
數百年其可道者數君而已況於後世邪況於五代邪予
聞長老爲予言明宗雖出夷狄而爲人純質寬仁愛人於
五代之君有足稱也嘗夜焚香仰天而祝曰臣本蕃人豈
足治天下世亂久矣願天早生聖人自初即位減罷宮人
伶官廢內藏庫四方所上物悉歸之有司廣壽殿火災有
司理之請加丹腹喟然嘆曰天以火戒我豈宜增以侈邪
歲嘗旱已而雪暴坐庭中詔武德司官中無得掃雪曰此
天所以賜我也數問宰相馮道等民間疾苦聞道等言穀
帛賤民無疾疫則欣然曰吾何以堪之當與公等作好事
以報上天吏有犯贓輒寘之死曰此民之蠹也以詔書褒
廉吏孫岳等以風示天下其愛人恤物蓋亦有意於治矣
其即位時春秋已高下通聲色不樂遊畋在位十年於五
代之君最爲長世也身粗息年屢嘗登生民實賴以休息
然美狄性果仁而不明屢以非辜誅殺臣下至於從榮父
子之間不能慮患爲防而變起蒼卒卒陷之以大惡帝亦
由此飲恨而終當是時大理少鄉康澄一疏言時事其言
曰爲國家者有不足懼者五深可畏者六三辰失行不足
懼天象變見不足懼小人訛言不足懼山崩川竭不足懼
水旱蟲蝗不足懼也賢士藏匿深可畏四人遷業深可畏

上下相拘深可畏廉耻道消深可畏毀譽亂真深可畏
言不聞深可畏也識者皆多澄言切中時病若從榮之
無圖安重誨等之死可謂上下相拘而毀譽亂真之
弊矣然澄之言豈止一時之病凡為國者可不戒哉

五代史記卷第六



五代史記卷第七

歐陽

脩

撰

徐

無黨

注

唐本紀第七

愍皇帝明宗第五子從厚也為人形質豐厚寡言好禮明宗以其貌類已特愛之天成二年以檢校司徒拜河南尹判六軍諸衛事加檢校太保同中書門下平章事從厚妃孔循女也安重誨怒循以女妻從厚三年罷循樞密使出從厚為宣武軍節度使明年從鎮河東長興元年封從厚宋王從鎮成德二年從鎮天雄累加兼中書令四年十一

五

五代史七

一

五

月秦王從榮伏誅明宗病甚遣宦者孟漢瓊召王于鄴而明宗崩秘其喪六日十二月癸卯朔發喪于西宮皇帝即位于樞前羣臣見于東階復于喪位丙午成服于西宮代

五君於此始見嗣君即位服喪之事先君得其終嗣君得其始而免禍亂於臣民於篡亂之世稀見之事也故特可

書庚戌登光政門樓存問軍民辛亥殺司衣王氏癸丑始

聽政乙卯殺司儀康氏丁巳馮道為大行皇帝山陵使戶

部尚書韓彥憚為副中書舍人王延為判官禮部尚書王

權為禮儀使兵部尚書李麟為鹵簿使御史中丞龍敏為

儀仗使左僕射權判河南府盧質為橋道頓遞使丁卯禪

應順元年春正月壬申朔親朝于廣壽殿禮也乙亥契

冊使都督沒辣于來戊寅大赦改元用樂回鶻可汗王仁美遣使者來沙州瓜州遣使者來乙未朱弘昭馮贇獻金助作

山陵閏月丙午冊皇太后

不書姓氏不曰冊某人為皇太后者母尊不可斥其事自見於

也傳甲寅冊太妃王氏北京留守石敬瑭獻銀絹助作山陵

二月庚寅視作山陵鳳翔節度使潞王從珂反辛卯西京留守王思同為西面行營都部署靜難軍節度使藥彥僖為副三月丙辰思同兵潰嚴衛指揮使丑暉羽林指揮使楊思權以其軍叛降于從珂辛酉殺侍衛親軍馬軍都指揮使朱弘實癸亥河陽三城節度使康義誠為鳳翔行營都招討使王思同為副西京副留守劉遂雍叛降于從珂

四〇五十六

五代史七

二

事

思同奔歸于京師不克死之丁卯京城巡檢使安從進殺馮贇朱弘昭自殺從進傳其二首于從珂戊辰如蘄州

不書帝崩者當於廢帝紀書弒鄂王也

廢帝鎮州平山人也本姓王氏其世微賤母魏氏少寡明宗為騎將過平山掠得之魏氏有子阿三已十餘歲明宗養以為子名曰從珂及長狀貌雄偉謹信寡言而驍勇善戰明宗甚愛之自晉兵戰梁于河上從珂常立戰功莊宗呼其小字曰阿三不徒與我同年其憨戰亦類我同光二年為衛州刺史突騎指揮使戍于石門明宗討趙在禮自魏反兵而南從珂率戍兵自陽武縣馳出常山以追明宗

明宗之南也兵少得從珂兵在後而軍聲大振明宗入立拜從珂河中節度使封潞王是時明宗春秋已高王於諸子次最長樞密使安重誨患之乃矯詔河中裨將楊彥溫使圖之王閱馬于黃龍莊彥溫即閉門拒之王止于虞鄉以聞明宗召王還京師居之清化里第重誨數請行軍法明宗不聽後重誨見殺乃起王爲左衛大將軍西京留守長興三年爲鳳翔節度使王子重吉自明宗時典禁兵爲控鶴指揮使愍帝即位朱弘昭馮贇用事乃罷重吉兵職出爲亳州團練使又徙王爲北京留守不降制書而宣授又以李從璋爲代初安重誨得罪罷河中以從璋爲代而

重誨見殺故王益自疑遂據城反愍帝遣王思同會諸鎮兵討之思同戰敗走諸鎮兵皆潰清泰元年三月丁巳王以兵東庚申次長安西京副留守劉遂雍叛于唐來降甲子次華州執藥彥稠丙寅次靈寶河中安彥威陝州康思立叛于唐來降己巳次陝州康義誠叛于唐來降殺宣徽使孟漢瓊愍帝出居于衛州夏四月壬申入京師馮道率百官迎王于蔣橋王辭不見入哭于西宮遂見羣臣道拜王荅拜入居于至德宮癸酉以太后令降天子爲鄂王命王監國乙亥皇帝即位丙子寧河南民財以賞軍丁丑借民房課五月以賞軍戊寅弒鄂王

義德弒濟陰王同

慈州刺史宋

令詢死之乙酉大赦改元戊子殺康義誠及藥彥壽義誠

愍帝罪宜曰誅而廢帝同惡相救故書殺五月丙午端明殿學士左諫議大夫

韓昭胤為樞密使莊宅使劉延朗為樞密副使庚戎馮道

罷天雄軍節度使范延光為樞密使甲寅賜勸進選人宗

子官六月庚辰幸范延光及索自通第秋七月辛亥大常

卿盧文紀為中書侍郎同中書門下平章事丁巳立沛國

夫人劉氏為皇后八月辛未尚書右丞姚顛為中書侍郎

同中書門下平章事許御署官選御署官疑是廢帝初舉兵時所置之官以其非

吏部正授故須有旨方得選此於事無勸戒不必書以舊吏不詳故存所不知慎傳疑也九月契丹寇

邊冬十月戊寅李愚劉昫罷十二月乙亥雄武軍節度使

四百字
五代史七

張延朗為中書侍郎同中書門下平章事契丹寇雲州庚

寅幸龍門旱

二年春二月甲戌范延光罷己丑追尊魯國太夫人魏氏

為皇太后非嫡母故詳其爵凡三月辛丑忠武軍節度使趙延壽為

樞密使夏五月辛卯宣徽南院使劉延皓為樞密使契丹

寇邊六月癸未羣臣獻漆都馬都者軍之名秋七月丁酉回鶻

可汗王仁美使其都督陳福海來劉延皓罷九月己酉刑

部尚書房高為樞密使乙卯渤海遣使者來

三年春正月乙未百濟遣使者來丁未封子重美為雍王

三月丙午翰林學士禮部侍郎馬胤孫為中書侍郎同中

書門下平章事河東節度使石敬瑭反夏五月乙卯建雄
軍節度使張敬達為太原四面都招討使義武軍節度使
楊光遠為副戊申先鋒指揮使安審信叛降于石敬瑭已
酉振武戍將安重榮叛降于敬瑭壬子天雄軍屯駐捧
都虞候張令昭逐其節度使劉延皓六月癸亥以令昭為
右千牛衛將軍權知天雄軍府事性命官不書以此書以者明今昭猶可以甲
戌宣武軍節度使范延光為天雄軍四面招討使秋七月
戊申克魏州壬子張令昭伏誅癸丑彰聖指揮使張萬迪
叛降于石敬瑭八月戊午契丹使梅里來九月甲辰張敬
達及契丹戰于太原敗績契丹聞敬達于晉安戊申如河

五代史七

五

陽冬十月壬戌括馬籍民為兵十一月戊子盧龍軍節度
使趙德鈞為行營都統丁酉契丹立晉閏月甲子楊光遠
殺張敬達以其軍叛降于契丹敬達不書死之而書殺者敬達大將宜以義責光遠而誅之雖不果而見殺猶為得死乃甲戌契丹及晉人至
于潞州丁丑至自河陽辛巳皇帝崩年五十三帝自焚死晉高祖命葬其壙骨

於微陵
域中

嗚呼君臣之際可謂難哉蓋明者慮於未萌而前知暗者
告以將及而不懼故先事而言雖忠而不信事至而悔其
可及乎重誨區區獨見潞王之禍而謀之不臧至於殞身
亦族其隙自茲及愍帝之必也尤於微陵其上一壠路人

見者皆爲之悲使明宗爲有知其有媿於重誨矣哀哉

五代史記卷第七

五代史記卷第七

見者皆爲之悲使明宗爲有知其有媿於重誨矣哀哉

